

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI SUD U BIHAĆU
Broj: 001-0-Su-23-000658
Bihać, 16.10.2023. godine

Na osnovu člana 70. stav (1) i člana 89. Zakona o javnim nabavkama ("Sl. glasnik BiH", broj: 39/14 i 59/22), na preporuku Komisije za javnu nabavku broj: 001-0-Su-23-000658 od 16.10.2023. godine, u postupku javne nabavke kompjuterske opreme, predsjednica Kantonalnog suda u Bihaću donosi:

ODLUKU
o izboru najpovoljnijeg ponuđača i dodjeli
ugovora

I

Prihvata se preporuka Komisije za javnu nabavku o izboru najpovoljnijeg ponuđača za nabavku kompjuterske opreme i ugovor se dodjeljuje ponuđaču Printex d.o.o. Sarajevo, sa ponudenom cijenom nakon provedene e-aukcije u ukupnoj vrijednosti od 42.100,00 KM bez obračunatog PDV-a, odnosno 49.257,00 KM kao najpovoljnijem ponuđaču.

II

Nakon pravosnažnosti ove Odluke prijedlog ugovora dostavit će se na potpis izabranom ponuđaču.

III

Obavezuje se izabrani ponuđač iz tačke I ove Odluke, da u roku od 5 (pet) dana od dana prijema ove Odluke dostavi dokaze tražene tačkom 3.1. tenderske dokumentacije.

IV

Za izvršenje ove odluke zadužuje se računovodstvo Kantonalnog suda u Bihaću.

IV

Ova odluka dostavlja se svim ponuđačima u postupku javne nabavke, u skladu sa članom 71. stav 2. Zakona o javnim nabavkama i objavit će se na web stranici Kantonalnog suda u Bihaću.

O b r a z l o ž e n j e

Postupak javne nabavke kancelarijske opreme, pokrenut je Odlukom o pokretanju postupka javne nabavke broj: 001-0-Su-23-000658 od 01.09.2023. godine. Javna nabavka provedena je putem otvorenog postupka, sa provođenjem e-aukcije u sistemu e-Nabavke. Procijenjena vrijednost nabavke bez PDV-a iznosi: 50.700,00 KM.

Obavještenje o nabavci broj: 8581-1-1-96-3-11/23 objavljeno je na Portalu javnih nabavki dana 05.09.2023. godine i Službenom glasniku BiH broj: 62/23 i ispravka za obavještenje o nabavci broj: 8581-1-1-96-8-12/23 objavljena na Portalu javnih nabavki dana 14.09.2023. godine i Službenom glasniku BiH, broj: 65/23. Tendersku dokumentaciju koja je objavljena 05.09.2022. godine, sa Portala javnih nabavki podiglo je 25 ponuđača a ispravku tenderske dokumentacije objavljenu 14.09.2023. godine podiglo je 15 ponuđača.

U periodu koji je ostavljen za dostavu ponuda Telmet d.o.o. postavio je pitanje „ U tenderskoj dokumentaciji pod tačkom 2.3.2.3. količina predmeta javne nabavke i tehničke specifikacije neveli ste da se zahtjeva „2xHDMI i 1xHDMI +DisplayPort“ da li je trebalo da umjesto “I“ stoji „ili“... molim ugovorni organ da pojasni koliko je ukupno zahtjevanih priključaka za monitore“ Odgovor ugovornog organa je dat 14.09.2023. godine koji glasi „ Poštovani, uvidom u tendersku dokumentaciju, utvrđeno je da je u tački 2.3.“Količina predmeta javne nabavke i tehničke specifikacije“ načinjena greška u opisu predmeta robe u dijelu koji se odnosi na priključke. Ugovorni organ je izmijenio tendersku dokumentaciju na način da traži dva priključka za monitore (2xHDMI ili HDMI + DisplayPort)“. Na tendersku dokumentaciju nije bilo žalbi izjavljenih od strane potencijalnih ponuđača.

Komisija za provođenje postupka javne nabavke, imenovana rješenjem broj: 001-0-Su-23-000658 od 24.09.2023. godine (u daljem tekstu: Komisija) je dana 09.10.2023. godine izvršila javno otvaranje ponuda u prostorijama Kantonalnog suda u Bihaću o čemu je sačinila Zapisnik o otvaranju ponuda koji je dostavljen svim ponuđačima koji su dostavili ponude.

Nakon otvaranja ponuda, Komisija je izvršila pregled i ocjenu prispijelih ponuda te sačinila Zapisnik o pregledu i ocjeni ponuda broj: 001-0-Su-23-000658 od 09.10.2023. godine u kome je konstatovala sljedeće:

- da je blagovremeno zaprimljeno sedam ponuda i to:
 1. ELUR d.o.o. Kiseljak
 2. TELNET d.o.o. Ilidža
 3. PRINTEX d.o.o. Sarajevo
 4. INTER-COM d.o.o. Zenica
 5. DIGITARIJA d.o.o. Sarajevo
 6. PR SMART COMPUTER Prijedor
 7. SOFTKOM S. d.o.o. Prijedor
- da su sve ponude prihvatljive prema obliku, sadržaju, potpunosti, profesionalnoj i tehničkoj sposobnosti.

Dana 10.10.2023. godine zaprimljena je ponuda ponuđača PR „Media market“ Prijedor, koja je u skladu sa odredbom člana 15. stav (6) i (7) Uputstva za pripremu tenderske dokumentacije i ponuda („Službeni Bil“; broj:90/14) kao neblagovremena vraćena ponuđaču neotvorena.

E-aukcija je zakazana i održana dana 11.10.2022. godine sa početkom u 13,00 sati i trajala je do 13,10 sati, te je pomoću automatskih metoda ocjenjivanja u informacionom sistemu E-Nabavke, izvršeno rangiranje ponuđača, shodno utvrđenom kriteriju „najniža cijena“, na osnovu kojeg je utvrđena sljedeća konačna rang lista ponuđača koji su učestvovali u E-aukciji:

R/b	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	PRINTEX d.o.o.	4200597450005	42.100,00	16,47%	1
2.	SOFTKOM S d.o.o.	4404861600007	42.150,00	16,07%	2
3.	TELNET d.o.o.	4202070350005	43.000,00	15,17%	3
4.	PR SMART COMPUTER	4504200780003	48.000,00	4,08%	4
5.	INTER-COM D.O.O.	4218087760006	49968,00	0%	5
6.	DIGITARIJA d.o.o.	4201551320006	50.400,00	0%	6
7.	ELUR d.o.o.	4236010950005	50.688,00	0%	7

Nakon završene E-aukcije, Komisija je dostavila Zapisnik o pregledu i ocjeni ponuda od 16.10.2023. godine u kome je dala preporuku da se ugovor zaključi sa Printex d.o.o. Sarajevo, obzirom da ispunjava

sve uslove tražene tenderskom dokumentacijom, te da je njegova ponuda od 42.100,00 KM, ocijenjena kao najpovoljnija ponuda primjenom kriterija najniže cijene.

Kako je Komisija, u skladu Zakonom o javnim nabavkama i kriterijima iz tenderske dokumentacije, pravilno i potpuno izvršila ocjenu kvalifikovanosti ponuđača, te ocjenu prispijelih ponuda, za potpisivanje ugovora prihvaćena je ponuda ponuđača PRINTEX d.o.o Sarajevo, sa konačnom cijenom od 42.100,00 KM bez obračunatog PDV-a.

Obzirom na naprijed navedeno, u skladu sa članom 64. stav (1) tačka b) i člana 89. stav (1) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi u roku od 5 dana prijema odluke. Žalba se podnosi putem Kantonalnog suda u Bihaću.

Dostaviti:

1. Printex d.o.o. Sarajevo
2. SoftKom S d.o.o. Prijedor
3. Telnet d.o.o. Hlidža
4. PR Smart computer, Prijedor
5. Inter-com d.o.o. Zenica
6. Digitarija d.o.o. Sarajevo
7. Elur d.o.o. Kiseljak



Predsjednica suda
Fata Nadarević